



周益文忠公集一百七十一 軋道壬辰南歸錄

起是年二月丙辰  
止六月庚申

軋道壬辰二月乙卯予任權禮部侍郎兼侍講直學  
士院同修國史實錄院修撰坐不草新除簽書樞  
密張說王之奇不允詔與在外宮觀

丙辰黎明受省劄即登車道逢周元時詹事小語出  
徑北關抗一葦疾馳三十里至赤岸高亭峯登岸  
百餘步候館徧福院送客無由可至惟湯朝美主  
簿相訪于此晚以小車行數里入崇先院蓋

顯仁皇后功德院也觀常王淵及其二子謙儻墳

寺中梅零落苑爛熳郁李芬芳城中畧不知春色  
寺創於清了禪師即所謂真歇和尚者今無主僧  
與知事淨雲共菜飯而歸大風曹大享自城來云  
臺諫今早上殿且以副本納張樞午間有旨王希  
呂還小監當且趣予與莫濟日下出門  
丁巳早赴主僧飯晚講師寺顏招飯夜大兄挈孥累  
自城中來遂登平江使舟聞李衡改除左史王希  
呂亦改宮觀風雨大作雷電

戊午社早冒雨行十餘里至桐扣宋宇彥企知縣居  
北同大兄房仲寶七四甥及家人輩行四里許至

佛日山淨慧禪院為外舅作忌辰乃知晉臨平岸  
崩得石鼓張華以蜀中桐材刻為魚形扣之響聞  
數里即此地也近世訛為同口失之矣寺不經兵  
火面對黃鶴峯有清冷一擊寺軒庫堂後有池池  
中有渥注泉出石罅中東坡嘗題五絕句所謂東  
麓雲根露角牙細泉咽咽走金沙不堪土肉藏山  
骨未放蒼龍浴渥注者是也堂上有熙寧七年八  
月送陳述古赴南京時留題真蹟又輪藏刻天宮  
寶藏四字相傳元祐四年出帥時所書長老不在  
有僧慧舉字舉直姓朱氏父祖皆仕宦頗能詩住

庵在數里間聞予入山來相伴齋罷復登舟房親  
尚甥自此湘別晚宿臨平

己未雨早行三十里過長安閘十里宿

庚申雨止早過崇德縣又十八里至石門登新創東  
嶽廟頗雄壯傍有接待院道遇安豐守張士元直  
閣入覲來謁辭以疾晚宿永樂鋪

辛酉早行至本覺寺登岸觀覽即古携李也舊號小  
長蘆今清基可想東坡元祐間帥抗往復過此為  
長老賦詩二首舊聞巴叟卧荒村來打三更月下  
門前詩也三過門間老病死一彈指頃去來今後

詩也予癸酉冬來遊見池中大魚數千作咋有聲

今亡矣寺有草堂紹興間士大夫留題頗多王仲  
行正言舟過不復相聞頃之至秀州郡守立直閣

崇宗通判朱奉議柏解宣義  
元振歸教授陳文林

郡資歸孫從政觀德新平江倅趙无咎並相候柳中

度郎中自白牛來相見即行晚宿界首

壬戌風順行至八尺而東南風大猛卷水入湖河道  
淺澁日午泊舟乘除之理如此夜雨能漏殊不安

枕

癸亥早風定而所至河乾其行甚艱午時至吳江縣

知縣邵通直輓丞鍾通直礮尉趙修取不隘相候  
同大兄携家登塔相對又有寧境院遂遊腫庵比  
舊加葺堯李海棠正開度長橋裴回亭上久之聞  
王仲賢自崑山來過行衙候之

甲子平江向守洵及二司遣人致問從王季海從刑  
別借舟就驛中治疊行李蓋去國忽忽殊無倫理  
也浴院在驛傍有建隆初吳江西城鎮遏使徐某  
乞置無碍浴院狀錢鏐判任者二字用天下兵馬  
大元帥府印寺僧寶藏之又有治平四年蘇州牒  
皆用短少紙古人不後費類此

乙丑仲賢先入城治疊竟日方畢季海大舟至從馬  
夜大雷雨

丙寅風雨趙尉送國村貢餘蓋揚存中郡王坊所造  
聞歲貢兩宮各萬瓶食罷行半里而止風送水溢  
也

丁卯竟日牽挽不能行半里妻孥乘小舫先過崑山  
戊辰遣書表司李公祥廳子張澤民還臨安風卷河  
水僅存尺餘米舡數百艘占拘中道趙尉卒徒役  
竭力推盪彼此舟舡相憂損者甚多自來未至方  
次七里橋出吳江界河道稍廣而風高不可進又

行數里止教授堆從政敦仲由携啟楸迎謝舉削也  
留飲聞二十七月曾懷賜出身除叅知政事

三月己巳朔晴風順俄頃至尹山以小舫入崇福寺  
同主僧惟妙訪何仔園亭其子夏鄉及姪婿韋啟  
心相候國池雖狹種植甚繁海棠盛開聞牧舟多  
佳品少休还舟中繞域抵盤門提刑王季海敷文  
提舉李次山奉議結太守向經甫徽猷吳縣尉徐  
君州似道人相見於津亭既退易舟徑赴范至能石  
湖之招過橫塘即賀方回所謂波凌不過者入般若院長老祖  
康蜀中仕族也風橫而逆薄莫方至初吳王築姑

蘇前後兩臺相距半里

俗乎并

為城三重遺基儼

然夫差與西施宴遊之地也前有溪越王句踐由

此攻吳今號越來溪溪上築城與吳人夾溪相持

至能之園曰城基高下而為亭樹所植多名花別

築農圃堂對楞伽山臨石湖蓋太湖之派范蠡所

從之五湖者望吳江縣財二三十里飲酒至夜分

留題壁間云吳臺越壘距盤門總十里而陸沉於

荒煙野草者千七百年紫微舍人始創別野登臨

得要甲于東南豈鴟夷子成功丁此扁舟去之天

悶絕景須苗裔之賢者然後享其樂和軋道壬辰

唐益公文集卷之五  
三月上巳東里周某子充侍家兄子上來游紫微  
方要桂林組過家寔為東道主云

庚午風雨大作飯罷登舟至木瀆已夜遂宿舟中  
辛未晴早至靈岩山下解院聞是日智積菩薩生日  
齋會甚盛而府倅領客在寺中必留以俟其去長  
老善卿來迎午後登山與大兄徧遊覽焉

壬申以寒節綿蕤祭先王節使權自城中携家拜韓  
世忠郡王墳置酒相招權本世忠部曲歲來拜掃  
而韓氏諸子皆通貴未嘗一來

癸酉陰早肩輿二里觀金沙塔其地有金屑雜沙中  
丁亥歲所未至也新隆興察推周從事寅相候張  
漢卿自天池遺具子見招范至能來自天平置酒  
風雨終夜

甲戌清明節早濃霧既開湖山競秀方快心目俄而  
大風同大口至延壽堂再遊本禪師塔過偃松堂  
登琴臺望崑山會聚寺風動地幾不能立至能談  
戴子善子微之弟遇道人朝平事甚異北峯長老  
師絜相候

乙亥早至能歸城中與大兄肩輿數里至天平長老  
欲謁五范盃像而童行持鑰匙出復行數里過天

峰禪院俗呼南峯蓋友道道林別庵也鉄杖重十  
餘斤云是當時物佛殿前有碧琳泉寺宇頗佳多  
葉少蘊詩客主僧崇聖甫至而為人所訟日以衆  
颯門外百餘步有道林放鶴亭基進度石門有馬  
蹄雙迹其傍即右室嘗為孕婦所觸雷震其頂相  
傳云運林夏居別峯冬居石室別峯即南峯石室  
即北室也又有中峯不暇往馬迹去石室甚近為  
觀音院僧限以篱落紆曲半里乃能至馬觀音院  
方修葺無足觀由南峯又數里乃至天池庵張漢  
卿携家及蔡元珍皆在置酒池上觀親漫池心有  
橋可以徙倚晚策杖登月觀下視空闊盖平山之  
顛也夜與蔡元珍奕連勝

丙子晴和一春所無早至北峯赴樂老飯遂老元氏  
庵距天池十餘里土木之功種植之盛又勝丁亥  
歲回至張齊賢淨明院庵張人傑覺庵二張漢卿  
弟姪也人傑字唐卿近開墳冗得石磨鉄心瓦瓶  
甕之屬隱起花紋甚古

丁丑早飯畢別漢卿復還靈岩初過王知縣墳庵次  
度賀家嶺俗呼餓狗遇嚴學諭庵僧堅邀飲茶迂數十  
步過之進至呂益柔侍郎求思庵戊戌年所創也

又數里登靈岩後嶺下視礪村乃鑿石為器之地  
所本土山掘之即石云遠望嶺上積土如冢墓者  
甚多相傳吳時伏兵其中未知信否過金沙塔乃  
至寺自天池來納與卿老登水陸堂臨池散餅  
餌候金銀魚久之不出夜同卿老坐勝集堂望湖  
賞月遂訪明月池乃在柴場中殊下住

戊寅早中車游穹隆約八九里入山口即行石衢夾  
道多丘墓盧法原宣撫亦葬此有富人余佐監簿  
竟華庵雅潔而闊深軒窓間海棠茂開極可人又  
二三里乃至福臻禪院古碑云朱買臣捨宅為之

殆不可信或曰吳越忠懿王時德韶國師道場也

傳灯錄有德韶機而不云居此因山疊基甃甃十餘重登陟雖

勞而氣象淳古大兄謂甚類南嶽諸寺元豐八年  
七月米元章知仲殊詩親題壁間方丈後有法雨  
泉葉少蘊為之銘又其上有韶師石室雷雨作不  
果登諸僧皆出忽忽下山避雨於林奉直振白雲  
庵稍霽遂歸中道復雨衣屨盡濕至礪村靈岩遣  
人來送弛擔而雨亦止

已卯早欲遊杭塢雨大作速止晚頭痛終夜意續不  
佳

庚辰雨止而寒終日不食晚甦聞初八日常朝五府  
受告前此上以瘡疹不坐故也

辛巳粥罷同鄉老下山行二里觀韓王墳畢欲登舟  
過寶華而天氣晴和忽有游抗塢之興遂與大元  
呼車往焉約十里度小峴嶺入唐子明侍郎墳庵

又二三里至白馬窟隆禪寺景

得中寺碑云曰梁天監年取梅梁于

此致白馬之真而復唐會昌六年置寺

飯訖行數里至堃里皇第宅

聯屬者豪民夏氏也又數里過支塢嶺遂至法華

院本皆荒山中官利州觀察使致仕李中立造塋  
于此捐家資數千萬創精舍十年而成四山環抱

宛若化城三門為閨七間華麗擬宮闕其間棟宇

瓦砌種植皆稱是主僧慶深頗徒數十富足無求

亦清福也門外數百步即太湖極目彌天之浸襄

面不忍去飲茶於塔院登李候之丘讀孫仲益所

以銘主僧具飯投宿客館

壬午早慶深具飯訖發抗塢約十里入實相寺無足

觀風雨交作行近一里至梅舍訪鄉人張氏初謁

禮部公之子三承務

德醇字

不在見其諸姪蓋通

判德和之子也飲散欲行雨益甚無雨吳遂過運

屬公之子德遜允懷家置酒留宿同坐章提刑

翼

鄒孫亦舊相識德遜有兄德懋允功方入城未歸  
 癸未晴德遜留再飯而別出門僅半里郡大湖近岸  
 水總三四尺稍深者文餘聞湖心苦不深但水聚  
 而湫泝耳登舟值西風揚颿極駛望洞庭諸山恨  
 不一往移刻入胥口遂至木瀆平生未有如是之  
 快也行李舡尚在靈岩之下即往就之至圓通庵  
 而張德麟德懋自城中來相候已在約范至能會  
 石湖復掛帆而東及園至能未來梨花金林擒緋  
 碧莢盛開與伯氏徧賞遂游楞伽治平寺僧房有  
 日觀稍佳門外八角大井視石欄刻字云隋開皇

十年楊素開素初平陳徙吳郡于此近地尚有新  
 郭之名其後無人不安之復還今城云薄晚至能  
 望來夜月色如昼乘小舟入石湖之心風露浩然  
 登岸杖策度行春橋石橋極大次度越來溪橋新修  
 歸飲煙波亭飯農圃堂此景此樂未易得也夜分  
 乃寢

甲申大風至能具飯訖同跨馬遊橫山寶積寺寺亦  
 唐餘本朝祥符中賜額聞丁謂當國念其貧故畀  
 此名有五代時吳越國碑稱寶大二年亦足證錢  
 氏嘗改元矣寺傍乃唐致遠先隴五代以來接續

癸一山平江世家惟此為久云次登上房教院在  
山之巔即楞伽塔也望太湖瀰漫石湖僅如斷港  
有隋大業四年碑字畫類虞書小酌禦風而下回  
望姑蘇前臺週遭城基故在至能畏風不果登登  
後臺而歸二臺相距甚近但隔楞伽治平寺至能  
辭還城復侍大兄絕湖入涇約十五里游寶華寺  
未至二里捨舟而徒及門已暮夜遂宿焉去靈岩  
止十餘里長老慧現

乙酉早周覽寺宇修廊華吳中之名刹按碑志本梁  
天監中西城僧餉餉和尚卓錫出泉今在寺左百

步深總數尺大旱不竭寺高泉抵為石槽仰而注  
之僧有衆寡視以給用齋前流多齋後差少茲其  
異也舊號智顯寺紹聖四年樞密林希請為功德  
寺遂加慈嚴之額林氏墳在寺後數十步希祖氏  
田員外郎高及其妻希父集賢校理槩及其妻孫

國撰王  
安墓表

三鼎冢立域總丈餘又數十步即葉清臣

內翰墓夢得左丞之母亦葬此飯罷命車登堯峯  
中道有半峯亭蔣堂賦詩今廢雍熙二年己酉大  
理評事知縣事羅處約記云昔在帝唐以洪水肆  
暴吳人族遁于此俗呼免水頂蘇帥錢傳璟易名

堯峯唐天復以後有僧惠齊姓朱氏郡人也結精舍于此山下名魯塢山蔣堂所居既死葬焉此寺

乃奉其香火蔣之奇壬子歲留題數百字尚可辨

寺有清輝軒碧玉沼峙觀音岩石像白龍洞俗云

庭多景岩寶雲井寺右皇祐四年長老顯遷祈鑿

偃蓋松伐二鐵塔妙高峯下東齊弊甚西隱倒

同長老了愈徧覽畢由龍洞觀音岩而下蓋寺後

路也望間有古冢數百整整成列云錢家墳也復

至寶華飯寶林軒修竹參天極可人飯罷登車行

二里至環谷乃王珏總領之居圃亭池沼花竹奇

石環繞其屋珏字德全介甫之後軋道元年年五

十三失明罷歸相者告以其亭某所而已珏不見

也又里餘復登舟觀吳王魚城城在田間當時養

魚於此基厚而方其高二丈搏倍之中為田百二

十畝今屬練墟趙氏土極細故久而不壞欲訪顧

野王墓不果遂自石湖入少府港歸盤門舟中已

昏暮自寶華至此三十餘里云前常德太守劉大

夫卯翰相候

丙戌黎明別大兄過崑山小舟繞城泊婁門表兄章

茂之司理未迎同至從母宅飲至夜分月色如畫

從母年八十精明如初

丁亥早食畢別從母登舟夜抵崑山外姑及仲寧仲賢置酒

戊子右宣教郎知縣汪瑀右宣義郎丞李稷諡之右

從政郎主簿趙伯璠右文林郎尉顏光道右朝散

郎前江東安撫司機宜張傑右奉議郎新提領酒

庫所主管官孫聽右承奉郎新淮南運幹鄭臨右

承奉郎鄭舉德年右儒林郎新淮東提舉司幹官

鄭莘左迪功郎新金陵司戶陳九德右宣教郎新

温州瑞安丞胡立方右文林郎新監行在北外酒

庫張端肅左迪功郎新湖州長興尉陳茂英國學

進士陸日新進士邊隆並相候湯士美自臨安來

留飯

己丑觀音堂寂照大師若欽及其徒良規良矩東寺

長老普璇及僧寺梵宗了清法安山寺僧蘊賢師

鼎德安真聖堂道士丁從煒並相候

庚寅士人王修第四十八李五十將仕喬年馬少伊

教授王六一教授沈煥煥表叔陳晞之王仲郁資

深煥之子陳導李壻胡臣王壻顧澈王壻並相候

癸卯李彥平自左史除舊取知台州來歸夜與諸親

博達且

己未留崑山已八日因於夜飲不勝其疲

丙申早飯畢挈家登舟隨潮宿怡亭

丁酉早過閭門太守及二司相送於高麗亭力欲移

具固辭之崔仲由教授王知錄康彥徐尉似道繼

至與大兄同游虎丘鄉人張德醇德懋德遜及其

姪元禮

和綱德子

並相候

置酒待之夜宿寺中長老希範

戊戌登觀音殿几案四壁皆石也觀試劔石憨泉點

頭石張漢卿携家置酒相餞外姑仲賢夫婦唐致

遠夫婦畢集范至能亦未湯士美復自金壇來晚

移舟過楓橋常平司送七兄被召之報

四月己亥朔早就寺具飯待張德懋叔姪問立叔求

參議繼至左奉議即浙西檢法皇甫自聞左奉議

即監分差鎮江糧料院陸補石奉議即新寧國府

簽判胡詰石宣即教新知山陰縣張澈及崔仲由

教授並相候皇甫槩陸皆同年也外如仲賢置酒

為餞夜相別

庚子兩作風順揚颿纒二十里風急轉北牽晚不能

寸進距望亭數里遂止

辛丑風逆如故過望亭游蔣丞相功德院長老來迎  
乃故人文拱也晚距無錫數里止

壬寅早次無錫縣丞趙宣義善仁簿趙修耿不偽喻  
子才郎中鎮江總司藥局監官陳承直長源新通  
州教授陳從政紀並相候招劉義深診脉大兄獨  
遊惠山飯罷解維風色微頌約行二十里宿

癸卯風順午時次常州太守石朝散大夫晁子健通  
判左朝散郎葛郊教授左迪功郎陳德明知晉陵  
縣石通直郎范公武推官左文林郎朱繹監之北  
較務右迪功郎葉南杞新兩浙運司主管文字右

通直郎李耆俊監行在和劑局催督綱運右從事  
郎黃直中並相候公武文正公之後今歲有子登  
科范氏自忠宣公皇祐中登科後今方有人州學  
學正胡陟明學錄周幹臣譚說直學唐定之及賓  
賢致道懋德登後四齋生凡數十人以丁在礼部  
還本州流寓解一名皆來謝訪周德文運幹其子  
輝示近作一卷晚宿四門外近檢司前

甲辰終日風雨進禱甚艱僅行三十餘里

乙巳晴午後過沙子距港口僅半里遇淺推盪甚久  
竟不能動別以小舟挈家徑趨宜興至溪南大宅

已二鼓

丙午知縣左朝奉卽唐儀之相候同年也邑入以是日為周孝候生日迎會頗盛

丁未晚赴莊德邁會

戊申仲賢挾魯可復生簿來議如晦墓銘事具餞侍之

己酉早同大兄至臺莊祭外氏墳莊氏資福庵回飯莊德固墳庵晚赴莊德全通判會

庚戌早就顯親寺具素飯錢魯主簿歸當湖乘舟至吳墟赴周新義大資政飯聞初九月蕭殿院上殿

擊虞相

辛亥早遣李榛卸七部押輜重住鎮江府附綱舟浙江午時赴邵至鄉會於天遠堂晚風雨作仲賢同鉄將任歸崑山

癸丑赴顯親長老飯別周敦義叅政年七十五矣臨分黯然

甲寅早挈家登舟已時方能行風色初逆旋順揚颿湖滄中其行甚速晚過漂陽縣三里宿新江陰李率急送別于此

乙卯風猶順彌望皆湖田行七十里至三塔院院在

水中有元豐中劉誼所作記三塔者相傳僧伽過江造塔至此為第三耳主僧宗淨等二人寺宇弊甚後有寒光亭可望湖二三年來亦廢張安國舍人有詩詞天氣驟熱微雨作方以為憂已而復止又三十里至鄧步隸漂水縣有數十家及稅場又十里至東堤數十家

丙辰早雨意甚濃時灑塵程泰之運使先諭漂水宰備車乘相待治壘移時乃登陸天氣稍霽行十五里至銀樹亦有二百家若水泛則自此便通舟又六七里至雙港口復登舟約十餘里至固城湖日猶未晡蓋數百

家之聚也是日西風動地而雨不作幸甚過望登妙智庵觀范同叅政父墳晚與庵僧散步固城之上父老謂之楚王城其周數里地勢甚高但餘城基庵中石碑龜跌乃去歲掘城得之云唐天寶中彌勒寺碑也

丁巳五更同大兄肩輿五六里至禪林山惠然院開啟天申節寺僧云相去二十里有遊子山儒童院蓋夫子遊學之地不記圖志所載云何歸舟解維度湖水總數尺然亦淤漫其中多茭葑凡三十里至石橋入頭溪港地名石橋而無橋約五十里至太平州

河口兩岸及民居溪流不甚濶煙樹如畫稍前即  
求豐圩共十四元夜泊黃池鎮距固城湖已百一十  
里商賈輻湊市井繁盛俗諺有三不如謂太平州  
不如蕪湖蕪湖不如黃池也

戊午早大兄與綸登岸游觀午時方解去西南風猛  
牽挽三十餘里至張宗元少卿易泰莊少休晚又  
行十餘里至行春圩丁秀才莊宿

己未早行數十里至小淮登岸入棲隱寺弊陋無足  
觀又十餘里至郭城登普化寺遣人先往隱靜借  
人轎遂至別港約行二十里泊新林小商十數皆  
以舡為家登岸三里至市有民居酒坊及韋察院  
祠守者云興於後唐同光中

庚申早隱寺人至挈家行十里至寺五峯不高而形  
勢環抱本梁朝杯渡禪師道場禪師謚慧嚴寺名  
普惠邃廊傑閣江東之巨剎隸太平州繁昌縣寺  
後三百步碧霄峯下有泉出石中流入寺灑上有  
聲且給烹煮灌溉長老行機台州人頗為僧徒所  
推有衆三百飯罷淪茗泉上聞登山則見岩洞之  
勝初暑不果往歸寺登單傳閣偏廡寮舍再飯訖  
出寺觀早錫泉夾道林中王孫纍纍然行近里許

至夢堂前上藍長老彥岑在焉又半里登枉渡塔  
乃升車由南陵路行十里落路過趙家步已見星  
矣早來光移舟于此歐明自臨安歸聞蘭果卿殿  
院彈虞左相不效而去

辛酉舟行十餘里近南陵縣詰曲數十折幾不可轉  
舟知縣右通直郎葉谷丞石文林即葉岳主簿石  
迪功郎邊及聞尉左從政郎余宰相候午時挈家  
入行衙為導陸計

壬戌黑雲暴風遂作雨雇夫亦未齊為留一日縣西  
二十里有工山遠望頗秀拔神號冲真廣惠顯貺

侯縣南六十里有呂山圖經云孔聖曾遊置書堂  
于此見有石室其山南石縫內泉水湧出流於漳

淮去縣三十五里日孔村  
落路五里至石室

癸亥晴昨日雨晝夜不止而今遽霽天贊我也縣官  
送別於五里外新至者米丞恁盖元章之孫友仁

侍郎之子早飯敬亭山去縣三十里山在宣城而石在  
此當考過孔村士入無此姓問  
專以夫子得名晚宿隔口何氏酒

坊去縣六  
十里夜冷頭岑岑

甲子早行十五里路傍有泉甚清尋伏流而去吳說  
刻鮑公泉三字而書鮑延祖立次至燕兒礮上山

數十步有石洞刻云刘公岩又二十里飯水瓜塘  
徐家店又十五里見遊人來者憧憧問之云半月  
來樵夫新得一洞深數十丈其大如數間屋有石  
鍾等而近時人皆不知惜乎行李已過不及一遊  
晚至青陽望九華而見故人知縣右宣教郎魯楷  
諸曾都巡檢高武郎靖縣尉錢影之並相候葉節  
推捕自鉄券來飲之館于如音禪院輪藏極佳大  
兄獨遊山

乙丑早發青陽二十里至長橋回望九華甚奇路傍  
後有泉自山石中出吳說又題云鮑公泉為謠耳

飯葉氏新店即鉄券路口去縣三十五里至齊山

從者告疲携家入寺登覽提舉常平張寺丞郊知

知州胡承議叔宣通判右朝請大夫程端義添差

通判右承議郎孫懋教授左迪功郎甲易添差教

授左從仕郎萬鍾判官石文林郎劉紹祖推官石

從事郎李宣公錄叅石從政郎胡震司法石迪功

郎張知微司理石修取郎張曼倩貴池知縣石教

郎慕容紹丞左從政郎盧大中空簿右迪功郎凌

祖无總幹左儒林郎白仲堅添差江東提舉司幹官

左宣教郎葉宗誅右文林郎朱希說右文林郎孔

瑋 監大軍倉又迪功郎耿奕路分趙善詣並相候  
投宿寺中主僧智瑞

丙寅早入城館予司戶解中報謁程倅同登拱翠亭  
望溪山李庚子長改其名曰如剡蓋用李太白秋  
浦歌云江山如剡縣風日似長沙也又登九華樓  
蓋城東門也士人湯三聘過客李淙並相候是日  
時有雨紹徐解无倅案脉

丁卯拜知彥胡宣叔共置酒於常平司勸酌終日初  
食鯀魚二鼓後歸雨作是日大兄獨遊雲光又江  
祖石

戊辰早發池陽飯十八里店又十二里過紫居民居  
稍衆即產紙之地有紫岩大王廟又十五里至何  
村又有數十家日甚早或云前印為取馬軍兵所  
占遂宿馬村村東沅縣境也凡三十里乃入達德  
縣界

五月己巳朔姚媪忌早行二十里過白面渡又十餘  
里飯易楓潭道遇提刑司幹官汪宣教德翰忠定  
公之孫也又四十里宿整橋張氏

庚午早行二十里飯石潭稍前有仙女并撫掌則感  
沸俗云仙女喜也按圖經去縣三十五里留山頂

有葛仙壇相傳葛真人煉丹得道今丹井尚存而  
好事者因有藍橋遂傳雲英事白石潭四十里至  
建德縣知縣右從事即程渴老丞右從政即蘇泌  
尉左迪功郎薛黼都巡武德郎主智監稅承信郎  
朱坦並相候館于行衙其前右山蒼翠謂之後山  
以縣治正倚此山故也山頂有朝峯亭梅聖俞作  
宰時常賦廢又有蛻龍岩晚同大兄散步山下有  
青山文林殊東庵三僧院相連接皆無足觀石間  
有岩匹夫匹婦棲其丁夫餓斃死勞以數百錢不  
旋踵死矣去歲大旱起湖湘止連德今蠶麥稍熟  
人粗有生意而三月二十七日四月七日也饒數  
百里間連逢風雹拔木壞麥云

辛未早行三里過堯城渡方輿記云堯南巡至此又  
縣北二十里櫟山下有舜城古老云舜南巡至此  
又縣北六里斷崖石壁之上有印文員如馬蹄兩  
兩相對圖經云許旌陽逐蜮至此所留也邑官送  
別二十里外飯三十里之楓門嶺晚宿逸山去縣  
已七十五里未至建德四五十里邸店稀少既過  
縣民居頗盛但逃移未歸其存者背枯瘁無人色  
蓋去歲莫蕨根而食故也

唐文苑英華卷之七十一  
十一  
壬申早泥雨艱阻俄而晴霽行二十五里飯晡時抵石門市市井甚盛適連年水旱疫疾逃移分然今歲蠶稍熟而去者猶棘其門居者率皆菜色亦有老弱坐待餒死者終日道塗更無烏鵲氣象如此市為鄱陽西尉治所石承務郎新知東莞縣董南老攝其事士人林瑒相候本欲權寓尉廨而傍無居民遂徙居林生之家

癸酉端午節雨林生致酒果具五盃邀之

甲戌雨霽以夫脚未齊少留

乙亥早發石門遊道傍南臺院破弊無足觀又二十里飯車破又三十里過童子渡相望有小山俗號童子家其說謂九女弱死甚不經又二十里宿觀岡

丙子早行二十里飯山口又二十里有居民百餘家謂之四十里店又二十五里落路過薦福禪寺避入城人事之勞也太守王加叟侍制提刑梁右武俊參通判馮朝散樞曹朝奉鉅教授方從事玠李修取判官乘從事有秩推官趙從事善寶司戶趙修取師戶錄參崔從政惟孝司法立迪功疇知鄱陽王宣教子淵丞趙從事師孟主簿吳迪功荐

尉陳迪功祖永江東路分温武經允文提刑司幹  
 官陳從事賈檢法趙從政絳東司主管文字高朝  
 請醮之新知金華縣王宣教徐前均倅程承事禧  
 新知吉州龍泉縣梁奉議大方新江陵察推汪文  
 林德懋新知建昌縣石宣教志士星子尉周迪功  
 石承務郎張儀曼兌解進士姜安礼並相候寺盖古  
 刹所謂轟碑者其前即東湖方丈後大竹中有青  
 青亭甚佳

丁丑王守移吳未晚登舟諸公未別自難南陵凡小  
 留輒雨行乃霽

戊寅雨作風順以僕人入城貿易飯後方能行泝流

過永平監即鑄錢處行僮二十里以演漲無牽路而止

已卯雨不止雖順風而溪曲帆破不可用終日僅行

二三十里

庚辰風雨如昨溪益曲水益漲行益緩感冷頭痛竟

日酣寢

辛巳如庚辰

壬午晴辰時至餘千江口距邑尚十五里趙子直著

作謁告在家挈舟相訪自此順流而下溪水淤漫  
 田野皆為陂池夜泊樹紅乘月登洪福院聞去鴈

子止教里欲乘月行而舟師不知港道遂止

癸未四鼓解維舟師來誤行起湖始悞息呼須艇前  
導復沂流而上黎明乃至鄔子寨謁廟畢令寨兵  
前導入湖巨浸稽夫非丙戌歲經從之比來後將  
入港湍流不可沂堤行石磔湖約二十里穿小豆  
達于港繫舟芦間四無人相矜望皆水是日過湖  
畧無風濤有小蛇昂首引抵舟岸乃回戲作小詩  
云萬頃湖光似鏡平蛇蜒得上導舟行從來仕路  
風波惡却是江神不世情

甲申大風雨不能行

乙酉風雨不止水益漲無岸可泊且舟夫之糧去趙  
家步尚十五里遣小舟往市米午後風稍緩寅緣  
葦間移時僅行二三里已而趙氏子名良平者携  
十餘丁來云正港深且湍人力不可施請入池口  
十五里趨寂照院從之其地皆民田趙氏教池在  
焉漫為大湖秧苗盡在深淵此邦去歲旱乾異常  
今復大水晚至寂照破弊旱濕水亦及門僧言院  
興於天祐十五年戊寅舊名資福仁王治平中改  
今名自過湖入港達于江絕無民居惟趙氏擅陂  
湖之利為鄉之豪漁戶數百悉其部曲往來之舟

未有不從其家假人以濟聞第宅甚壯去水里餘  
丙戌稍霽北風未止舟人云不可行再遣人市米水  
益漲自鄱陽而上甚闕雨既登舟乃直積潦聞顛  
告大水

丁亥巳時風稍定解舟行數里望度門院在水中掉  
小舟往游至則破槳將傾一僧出門隔淺水遙語  
而回稍前涉高機湖菰芦之場皆為水沒野鼠無  
數被浸灌依聚沫而立晚泊徐汊水漲未已民居  
皆沒龔帥差小舟來

戊子捨鄱陽之舟以小艇乘順風而行晚泊龍沙章  
江禪院挈家投宿新添差吉倅鹿宣義何同至  
己丑天申節早就章江院設供祝 聖壽周簿為可

周其婦六姐來飯罷挈家游秋屏酌淺沙泉遂過  
列岫亭入報恩禪院長老曉林眉山人截後有鐵  
文殊像甚大歸入景德禪院觀銅佛鍾傳所鑄也  
登閣閑望

庚寅早帥龔實之殿撰漕芮國瑞郎中皆總管俊安  
撫司叅議劉朝奉如愚機宜魏奉議欵承權撫幹  
謝宣教 諤權提點司屬官何迪功份轉運司主管  
文字鄭通直益幹辦公事陳文林汝楫王迪功 恭

準備差遣林迪功諫秀監造舡塲王迪功掄隆興  
 倅符朝奉愬李通直宗質鈐轄蘇左武紳簽判鄭  
 承事僑節推薛儒林秉教授吳從政煥右司理董  
 文林康司法何迪功洵司戶洪迪功待聘監稅陳  
 迪功脩南昌主簿歐陽迪功世美新湖北叅議黃  
 大夫璽主管崇道觀王大夫濩新興國守陳朝謂  
 寅耿通判若蔡承事增劉登仕忒閤門祇候時忠  
 翊政新建安丞黃宣教炎及其弟箒上藍長老了  
 乘並相候庐陵士人余允武歐陽吳宗投詩移舟  
 滕王閣下挈家寓閣上如遷喬木也

辛卯南風動地招何應通診脉

壬辰黃州進士但昌圖以長書携蘇黃帖求跋

癸巳南風益高飛沙鼓浪下視柴舟覆焉

甲午再招何醫翁子功機宜相候初祭也告新江州

瑞安京宰鏗繼至留吳教授飯

乙未新南康守劉奉直坦相候

丙申早留宋晉裕監稅飯大兄先乘舟歸廬陵

丁酉赴府會於民安堂中坐游南園

六月戊戌朔赴芮漕於觀風堂後圃頗寬曠荷化已

開款泛小舟會微雨

己亥舟行三十里泊蔣家灣

庚子早行十里過生米鎮又二十餘里泊曲尺湖  
辛丑早以舟人亡失脚舡移時方能行二十里至市  
汊又十里泊稗堆步相對既龍霧洲登岸與村民  
黃氏語皆云政和戊戌後方有今歲之水自三月  
至今屢退屢溢沿江人家寺院多浸損而樹木皆  
盪去不然亦浸死

壬寅炎熱終日行數十里將至曲江而止

癸卯巳時至豐城縣今右從政郎馬光旻丞左從政  
郎趙不闕主簿右修職郎楊迪巡檢秉義郎王全

監稅承信郎周仁監膳軍酒庫馬永之右朝散郎  
新知潯州王同老左文林郎新吉州推官孫琳進  
士朱祺並相候揚簿中書舍人邦弼之子其五世  
祖伉蓋文公親弟也晚馬君壽移具耒寶氣亭

甲辰早行縣官送別李家坪距樟鎮十餘里宿

乙巳申夜至臨江軍館于貢院即行衙也其側有翠  
微亭太守左朝請郎江溥通判右宣教郎趙不比  
相候

丙午早赴軍會

丁未晚赴壬子嚴會十四第自新塗耒

周益公文集卷之六  
六  
戊申早移舟慧力寺下具飯待教授隨同年羅子行  
自白沙來携家少休江月停午後方解去晚宿永  
泰市

己酉南風甚高晚宿青泥夢七兄至既寤而持書者  
叩舡扉云已在數里間

庚戌早至神頭之龍安寺會七兄知新淦縣右通直  
郎王延年丞左宣教郎趙邠之主簿右修職郎彭  
周老新主簿右迪功郎候迨監膳軍酒庫成忠郎  
丁密監本縣稅右從事郎王需水陸巡檢東義郎  
金允新知通州海門縣右宣教郎趙師炳新廣德  
丞董世龍及其弟世儀贛州排岸承節郎趙善教  
右宣教郎致仕揚扶右迪功郎前吉州司理張棫  
並相候晚與七兄小酌

辛亥早移舟入邑借郵氏江亭機泊新淦尉右從事  
郎董廷碩將仕郎前權樂平尉郵舜臣及其弟舜  
舉親戚韓竦胄丁憂人劉主簿昌儀及其弟人傑  
並相候至陳宅哭德夫晚赴童伯亮子羽飯

壬子早過江送七兄還宜春羅子行歸白沙韓十五  
彰自採墓來令綸具飯待之晚赴揚圖南會園亭  
亦可觀夜月蝕

癸丑早發新淦南風甚高僅行三十餘里宿廬州  
甲寅石從政即新武陵丞蕭許將仕即羅齋賢及其  
堂弟汝賢士人蕭如墳並自白沙來迎肖惠十四  
詩甚佳晚宿硤江

乙卯丁憂人前豐城則軍酒官曾敏學左從政即新  
隆興府教授曾三聘自污泥坑來迎李靖州及新  
衡陽簿易迪功嘉猶並自域中來迎晚教山

丙辰青原宇老率其徒祖機法超妙智來迎晚至元  
潭登觀觀古劍其長足餘頃之拋江後行數里

丁巳早躬景聞奉議自東梅來已時抵白沙羅子行  
邀至其家留連終日久無雨禾有損者晚雨方作  
風散之蕭必巨及岳英之孫必中必得羅氏館客  
鄭大明並相候

戊午早發白沙未後至吉水縣知縣左宣教即趙不  
遇丞石修取即張作楫並相候晡後解去北風微  
作猶移時方能二滑石灘宿墨潭小一姪呂甥來  
迎浴于民家

己未早微有北風舟人方擊鼓掛帆得未曾有僅行  
兩箭地已轉南薰矣未後將至梅林駟邦衡及知  
識皆來迎尋棹舟候春亭下太守周仲應姨夫通

判左承議郎趙善待左豈義郎鹿何不釐務通判  
右宜義郎趙永年及郡官並相候晚入城畧至所  
居遂往謁太守拜從母歸舡中宿

庚申早挈家入宅韓文公去辛勤三十年始有此屋  
庖客至紛然不暇記

軋道壬辰南歸錄卷終

程